

玉簾大齋壇進后土詞行道科

254
5600



天師聖祖靈寶經
卷之五
太上玄元皇帝
降授
張道陵
先生
所傳
靈寶
經
目
錄
一
太上玄元皇帝
降授
張道陵
先生
所傳
靈寶
經
目
錄
一
太上玄元皇帝
降授
張道陵
先生
所傳
靈寶
經
目
錄
一

6466

祖師魏祖二元君歷代傳科演教列幕師
真師堂門下應禱一切真靈咸望洪慈鑒
今啓告

臣伏以太微開化出度世之玄科列聖垂
慈傳建齋之妙範寂感悟真元之用振揚
荷師匠之恩以今朝元陞壇行道宣演冲
科未敢自專先詣師門虔申啓告伏願真
光下燭拯提末學而不闡玄風聖惠俯垂
成就齋功而旁流福澤臣千冒
師嚴下情不勝虔切啓告之至領衆陞壇

恭行典式

知磬舉

修齋奉請

列幕師真登壇闡事

音樂引至正壇都門外序立

知磬舉虛皇咒

太工虛皇至萬神咸聽

西法衣詣左右監門壇上香一揖復位立 表白祝將

伏以博厚无疆地德秉黃中之理威嚴有
赫帥功同紫極之崇 玉籙大齋壇焚香告

召

三洞四輔法籙諸司官將正一馬趙溫岳

四大元帥監壇効職翊衛神員咸請神威
均希昭格以今朝元行道宣演冲科敬伏
諸司各供廼職伏冀翊聖祇之駕萬地承
華仗大帥之旛羣魔束手齋誠允格神武
維揚官衆如儀陞壇闡事
知磬催班
臣恭以雲璈流響螭坳之爲序翩翩霞扇
開明衆冕之龍光奕奕致一誠於厚載祈
萬福於維城當嚴對越之恭宜謹拜颺之
禮虔恭稽首同造天塿

大衆鳴樂

高功入壇巡看至都爐前

高功跪爐作用畢

衆等俯伏興身

都講舉

各禮師存念如法請宣神咒

高功宣衛靈咒

二象廻周九精洞靈望老應符

騰虛入清四通八達飛霞紫瓊

工登金華奉對帝靈記仙元錄

青宮刻名得道白簡封字七靈

九壘滅尸東井鍊形三九降真

我道已明得乘飛景上登玉庭和

與道合真法衣畢

鳴法鼓二十四通

高功等俱執手爐

都講發爐

無上三天玄元始三炁太上五靈老君召
出高功臣等身中三五功曹左右官使者
左右捧香驛龍騎吏侍香金童傳言散花
玉女五帝直符直日香官使者各三十六
人出出者嚴裝顯服冠帶垂纓關啓瑤壇
土地護法神真臣今正爾朝元陞壇行道
謁帝燒香謹奏為

法衣宣齋意

高功等俯伏宣意畢興身

都講接念

其諸情悃已具奏聞臣今關召願得太上
十方正真道炁下降流入高功臣等身中
令臣所啟之誠速達徑御
至真無極大道三天三寶上帝后土皇地
祇玉闕下

知磬舉

天尊

高功等俱一揖放手爐

都講舉

請稱法位

高功等俱跪

功作聲念

具職臣某與合臨壇清法眾等誠惶誠恐
稽首頓首謹同誠和上啓

虛無自然太羅元始天尊無極大道太上
道君玉晨靈寶天尊太上老君混元道德
天尊金闕至尊昊天玉皇上帝勾陳星宮
天皇大帝紫微中天北極大帝承天效法
后土皇地祇無上玉帝玉虛上帝虛無玉
帝太微玉帝太微天帝少微天帝高上神
霄九宸上帝玉清降福天尊延壽益算天
尊八卦護身天尊消災解厄天尊紫清賜
福天尊長生保命天尊福生無量天尊北
宮捍厄天尊保命護身天尊興大福力天
尊十方自然靈寶天尊十方已得道大聖
衆至真諸君丈人三天諸位道君無上三
十二天帝君東華南極西靈北真玄都玉
京金闕七寶瓊臺紫微上宮靈寶至真明
皇道君至真無上三十六部尊經玄中大
法師三天大聖師玉清泰玄樞機四相真
君上相上宰上保上傅四司五帝十二仙
卿玄壇師寶三界官屬朝元真宰合座威
靈咸望洪慈鑒臣朝奏
臣聞坤厚廣載堅地載而山嶽崇嚴乾覆

高明幹天樞而星辰朗耀含弘至大德澤
無垠河出圖而洛出書縱橫中極龜為文
而龍為篆宣布太虛厥土三田產鉛松之
怪石惟金三品貢篠蕩之瑤琨九州平而
三壤成四隩宅而五嶽鎮庶土交正六府
孔修雖一隅一域之所居賴九壘九皇之
是載臣等幸依赤縣忝沐玄恩泚籙持符
惟切戰兢之畏建齋行道聿嚴對越之誠
具有情詞謹當宣奏

表曰宣詞

高功俯伏默念封詞咒

四明功曹

開函小吏

手執書刀

開發函甌

詞文工達

開通道理

度厄消災

臣獲終始

急急如律令

宣詞畢

高功興身捧詞于香上薰念

衆和

五色之烟

薰詞上天

五色之炁

薰詞達御

下官故炁

不得妄干

功曹符使

速與通傳

高功擊靜尺一下明念

關文披宣符使祇領

宣關畢

奏樂

高功等同禮官送詞出詣焚燎所焚

祀畢回壇復位 知磬舉

傳誠達悃天尊

高功跪念

按如詞旨已露忱恂是以嚴潔星壇肅陳
蘋供先祝無疆之壽以事一人載歌大雅
之詩博延萬世以今朝元行道臣法衆等
運茲初拈上香 奏樂

高功詣玉清案前運香一揖復位跪念

願此香烟騰空逕上供養

至真無上道寶臣等皈依神皈依命首體
投地仰依

太上三尊十方衆聖願以是拈香功德上
祝

當今皇帝陛下恭願冀翼同光山河等
固仁風被於率土康濟小民帝德洽乎人
心懋昭明德功包九有威振八荒今敢燒
香自皈依道尊大聖衆至真之德得道之
後與天長存

以今朝元行道臣法衆等運茲二拈上香

奏樂 高功詣玉清案前運香一揖復位跪念

願此香烟騰空逕上供養

至真無上經寶臣等皈身皈神皈命首體
投地仰依
太上三尊十方眾聖願以是拈香功德乎
佑今辰醮主

恭願吹雲入詠為善居心梁
苑花明列座鄒枚之客嵩山月朗相携浮
郭之賓履道有孚安真無咎今敢燒香自
皈依經尊大聖眾至真之德得道之後永
保長生
以今朝元行道臣法眾等運茲三拈上香

奏樂 高功詣太清案前運香一揖復位跪念

願此香烟騰空逕上供養
至真無上師寶臣等皈身皈神皈命首體
投地仰依
太上三尊十方眾聖願以是拈香功德皈
流九州四海萬姓三軍蠢蠢羣生林林庶
物伏願安居禹甸靜樂堯天鼓腹行歌耕
鑿相忘於聖祀焚膏夜讀詩書奮發於清
時邊陲永息於烽烟桑麻遍野釣築登庸
於廊廟賢哲乘時幽顯咸沐洪纖名得今

故燒香自皈依師尊大聖衆至真之德得
道之後昇入無形

如磬聲

臣衆等志心皈依命

承天效法后土皇地祇中央一炁土德鎮
星地曜星君土王勾龍后土神君歲君
土府靈華帝君五方五土真君王家春
屬神君歲部土府一切神祇諸靈官禮
足虔誠懺悔

表白念懺悔文

臣等伏聞土德居中統隸四方之令神
司居內總持八表之權以今朝元行道
奉為醮主其開建瑤壇奉修齋值祈恩
謝過請福延生今故燒香志心皈依命

承天效法后土皇地祇中央一炁土德鎮
星地曜星君土王勾龍后土神君歲君
土府靈華帝君五方五土真君王家春
屬神君歲部土府一切神祇諸靈官
伏願皇天錫佑后土垂庥爰處爰居永
享和平之福俾昌俾熾長承帶礪之恩



聞道之後與道合真
知磬舉

大梵三天主
王祇虛皇五老尊

尚難窺微妙
豈復入名言

寶座臨金殿
霞冠照玉軒

萬真朝帝所
飛謁躡雲根

高功法衣清眾旋遶一轉立定

知磬舉

人各恭敬志心皈命禮

表曰接

太上無極大道

高功等俱一揖

知磬舉

志心皈命禮

表曰接

三十六部尊經

高功等俱一揖

知磬又舉

志心皈命禮

表曰接

玄中大法師

高功等俱一揖

都講舉

重稱法位

高功等跪作聲念代謝文

具職臣某與合臨壇清法眾等誠惶誠恐

稽首頓首謹同誠和上啓

三清四梵八極九霄紫闕黃房雲宮星侶

至真至聖無極無窮玄穹之帝座高真厚
地之洞天海嶽三界官屬合座威靈恭望

洪慈鑒臣代謝

臣聞一元肇判列五嶽而鎮山川太極奠
開分五行而養黎庶萬物資始猶必需長
養之功百卉具腓皆仰賴生成之道靜而
可以簡而易能今醮主賦形宇內毓質維
中體坤道以利貞含弘光大資地靈而敬
義柔順无疆華堂邃宇之經營不無動作
就下因高之相度豈盡自然凡一毫增損

於初形即九壘推移於故步陽舒陰慘皆

由宰制之權順古逆凶悉在體裁之內居

諸冉冉職謝悠悠茲開

玉籙
晉福

之壇敬展

祈金

恩之典雪從前之過誤集此後之休徵健

法乾元順安坤道伏願中黃統制太昊流

輝山川嶽瀆以效靈咸蒙介福府第

宮闈
門閭

而集瑞共履元亨五土奠寧百神呵護工

願歲時豐稔草木敷榮蠢蠢林林咸屬甄

陶之內生生化化總歸橐籥之中海晏河

清國安民泰則工明

天尊天慈之化下副臣等取命之誠謹啓
以聞

高功等一拜興身

知磬舉

臣等志心發願

一願乾坤明素

二願氣象清圓

三願聖皇萬壽

四願化洽八埏

五願天垂甘露

六願地發祥烟

七願四時順序

八願萬物生全

九願家多孝悌

十願國富臣賢

十一願皇圖鞏固

十二願學道成仙

法衣舉

還神燒香

都講復爐

香官使香左右龍虎君侍香諸靈官當願
臣等向來朝元行道之所自然生金液丹
素芝英百靈衆真交會在此香鼎爐前當
願丹誠上達恩賜下施十方仙童玉女接
侍蘭烟傳臣向來所奏之誠速達徑御
至真無極大道三天三寶上帝后土皇地
祇玉闕下

知磬舉先天至聖咒衆等都公堂立定

兩法衣詣監門壇前上香一揖

表白念回向監壇文

入無出有奉坤德以資生顯道明功乘震
亨而宣化向來朝修班退回詣靈司諷誦
仙經謹申回向

三洞四輔法錄諸司官將左右門壇真宰
監齋使者靈聰威望神威鑒今回向
伏願黃中正位方隅極鎮護之功玄上乘
晨壇宇萃和平之福為上良緣志心稱念
知磬聲

奏樂引至師堂前序立樂止知磬聲

玉堂回謝天尊

高功詣師案前上香復位一揖跪直念謝師文

具職臣某與合臨壇清法眾等頓首焚香
虔誠上謝

玄中教主靜老天尊祖天師泰玄上相正
一靜應顯佑真君左右王趙二真人歷代
天師聖眾靈寶演教五師真君清微宗主
真元妙化上帝太初天君紫宸太華天帝
祖師魏祖二元君歷代傳科演教列幕師
真師堂門下應禱一切真靈咸望洪慈俯

觀謝悃

臣伏以釐事聿嚴啓請首依於真幕朝元
始竣皈誠益切於師垣望對罪之不遺異
蘋蘩之克享臣適來朝元領衆陞壇宣行
科範仰叨師指得以圓成伏願汲引多方
提携不怠化愚蒙而通至道細究真乘鑒
誠恪而沛洪恩懋昭明德臣干冒
師嚴下情不勝激切之至首謝以聞

高功一拜興身

知磬舉

向來朝修功德工謝

師真收錄齋功同賴善功證無工道一切

信禮

高功舉

消愆滅罪天尊不可思議功德

奏樂行至正壇立定

知磬舉

皈依正道

回禮師真

用悉莊嚴

福資家國

永保長生

高功等俱一揖

知磬舉

朝修事畢官衆圓揖禮畢退班

玉籙大齋壇進后土詞行道科

254
—
5600

